

竹山安氏舊譜序

我東名門盛族必各有譜其源遠而派分姓同而貫殊者往往有系牒踳駁之端雖明於譜者其何以眇綿作昞也安氏之籍竹山者肇自竹城君之後封而實源於順興若其爲晦軒文成公後裔則一也噫自竹城君後德業爵秩奕葉相承有若伊齋公文章之爲牧隱所推重鈍菴公聲望之與河西石川相埒泉谷公之以忠義獲被其 褒典理病齋之以篤學見稱於賢師者固皆甚盛矣至於隱峯先生之道學節義實爲光前而啓後尤何偉哉惟竹城公以上世數莫得以攷徵遂致譜牒之未有刊行久爲闔族所深恨今其相與發議修成一譜烏可已乎適茲順興舊譜出而始見其有鼻祖以下六世系序是譜之據此以系不傳之世不亦幸哉隱峯五世孫昌勳甫遣其胤問序於余竊謂是譜之修儘有以覩得乎程張歐蘇所言之義矣忠義之立有益于朝孝悌之心油然而生者其非的確之論耶凡譜於斯者歲時花樹之會盍相勉勵益致敦睦焉余嘗惓惓於前

修明譜之訓今茲斯譜所感者深遂爲之書如此

崇禎後三辛酉仲夏恩津宋煥箕序

竹山安氏族譜序

竹山之譜始刊於 純祖辛酉重刊於 哲宗乙卯而今又三刊安君王  
淳要余弁卷蓋修譜之規已悉於舊序不必架疊則喻之以世其家者不  
亦可乎按安氏系出順興以文成公晦軒先生為上祖而先生曾孫元衡  
以功封竹城移貫竹山肇于是焉自麗迄鮮氏葉炳靈名德相傳珪組相  
承為大東華潤至文康公隱峯先生有道學焉有節義焉標幟乎當年山  
斗乎後代吁其盛矣哉余觀人之世其家者為凡人之後易為名賢之後  
難譬諸山水名賢高如嵩華大如江河而凡人是培塿耳蹄涔耳培塿不  
可與嵩華並峙蹄涔不可與江河同流為名賢後者不其難歟以培塿蹄  
涔等培塿蹄涔是凡人所以相繼也吾所以易之者此也是故為凡人後  
者雖有小善眾必交口而誦之為名賢後者些有罅漏譴責已朋興人情  
豈厚於彼而薄於此者耶其理勢固不得不然矣然則以名賢為祖者當  
思繼述之道繼述也者只在守其先訓承其家學不墜其典刑而已矣若

祖爲元愷而孫爲共瓌父爲淵騫而子爲蹠躄烏可曰世類也烏虜若文  
成公挺出麗季力排釋氏倡明聖學爲百世之儒宗若文康公當建虜憑  
陵之際守春秋尊攘之義炳炳烺烺如日星之麗于天今焉運迫陽九晦  
旨日甚邪說喧惑而經傳屬之土苴蹄跡交橫而冠裳淪於糞壤較諸兩  
賢所值之世什佰千萬不啻矣若使兩賢在者將何以處之必也守死善  
道素位而行以不負皇天所降之衷不失先聖所傳之道豈利害禍福所  
撓奪者乎凡厥苗裔以兩賢之志爲之志以兩賢之學爲之學弘闡兩賢  
之心法使人稱之曰兩賢具有後云爾則子兩賢有光而方可謂世其家  
矣至若修其譜牒辨宗支攷昭穆而止者猶屬第二義曷不勗諸詩云夙  
興夜寐毋忝爾所生又曰毋念爾祖聿修厥德吾爲同此譜者一誦之  
乙亥季夏安東金甯漢序

序

夫譜也者尊祖敬宗敦親叙倫以爲徵信於來世者也是故程子曰叙宗族尊風俗須是明譜系張子曰人各知來處則思孝之心油然而生此乃修譜之柯則也惟我安氏本貫順興至於晦軒先生之曾孫第二房以忠勲受封竹城子孫因貫竹山蓋因封受貫古也吾氏之譜肇自竹城君爲分派之祖而竹城君之積慶累仁受報于天克昌厥後德業簪纓文章忠烈蟬聯不絕而至若道學節義則先賢之述至矣盡矣何敢贅焉噫吾宗之修譜昔在乙卯今爲八十撰其間譜議非止一再宗議不一或有派修之家有未修之家久爲闔族所深恨何幸門運循環宗議詢同三載告功惟願來裔覽此譜而徵前迪後克承先德培其根而達其枝沿其流而溯其源倫理交叙情誼相孚永以百世爲一家則思孝之心油然而生將不可得以禦之也勉之哉

歲乙亥秋七月既望

今山... 謹序

竹城君十九世孫敬煥謹序

竹山安氏族譜卷之首

竹城君以上順興世系六世

始祖安子美

子永儒

子亨

子珣

子于器

子牧

子元崇

高麗興威衛保勝

別將延封神虎衛

上護軍順興君夫

人狎海丁氏父門

下侍中平章事大

保內史令奕煌樞

密副使光瑞十世

孫生三男墓在順

興小白山下云○

公遺基在順興府

城南竹溪上鶴橋

下坪里村戎坐后

孫順原君應昌築

翁園壇每歲十月

朔日報祀鄭東漢

斗卿撰翁園碑銘

儒韓譜作濡生宋

寧宗嘉泰辛酉延

封樞密院副使上

護軍墓在順興道

講里智藏山辛坐

○后孫判書文僖

公璋立永慕庵撰

神道碑銘順原君

應昌撰墓誌銘

生寧宗嘉定庚辰

高麗高宗甲辰文

科官至正議大夫

密直副使版圖判

書致仕延封守太

師門下侍中○順

政郡君夫人剛州

禹氏父禮賓卿寺

同正成允生一男

墓在順興云配享

順興君翁園壇及

順興龍湖世德祠

○東濱金文甫世

濂撰神道碑銘大

司成黃漫浪床撰

壇碑銘

初諱裕字士縕號

晦軒生理宗淳祐

癸卯高麗元宗庚

申文科官匡靖大

夫贊成事加壁上

三韓三重大臣都

僉議中贊修文殿

太學士提修國史

致仕宣授奉議大

夫征東行中書省

左右司郎中海東

儒學提舉八中國

奉孔朱及七十子

像購祭器樂器六

經諸子史來獻完

為國學納土田賦

獲置經史教授都

監使教誨七管十

二徒諸生倡道興

學為東方學儒宗

初諱遷字虛中號

竹屋子生度宗咸

淳乙丑高麗忠烈

壬子午進士登文

科乙巳拜國子典

酒右承旨陞密直

副使忠肅王甲寅

兼大司憲忤忠宣

王見罷屢官至匡

靖大夫檢教僉議

贊成事兼判典儀

寺事封順平君卒

己巳九月十二日

遺命薄葬享年六

十五謚文順勤學

好問曰文慈和徧

服曰順墓在文成

公兆右第二麓子

坐

鐵原郡君夫人崔

字益之號謙齋生

忠烈王庚寅受學

于白上黨頤正門

忠肅王乙卯登文

科忠惠王己卯以

前掌令掌銓注賜

功臣爵忠穆王戊

子以密直提學提

調經史都監恭愍

王壬辰以密直副

使為書筵侍讀屢

官至政堂文學進

賢館大提學封順

興君退居坡州西

郊卒庚子五月戊

子享年七十一謚

文淑勤學好問曰

文道學純一曰淑

化平郡君夫人光

山金氏父僉議中

子元衡

子元崙

女閔 愉

驪興人大提學